

आकाशवाणी

- प्रधानमंत्री नरेन्द्र मोदी होर अज्ज आकाशवाणी पर अपने मन की बात कार्यक्रम दे राहें देश-विदेश च रौहने आहले लोकें कन्नै अपने बचार सांझे करडन।
- प्रधानमंत्री होर अज्जै थमां बिहार, मध्य प्रदेश ते असाम दे त्र'ऊं दिनें दे दौरे पर रवाना होडन जिस दरान ओह केई विकास परियोजनाएं दे नीह पत्थर रक्खडन ते केई परियोजनाएं दा उद्घाटन करडन।
- तेलंगाना दे नागर कुरनूल च इक सुरंग च फसे दे 8 लोकें गी सुरक्षित बचाने लेई अभियान जोरें-शोरें जारी ऐ।
- इजराईल नै बंधकें दी अदला-बदली ते संघर्ष विराम सरबंधी शर्तें दा हवाला दिंदे होई 620 फिलीस्तीनी कैदिएं गी रिहा करने दी कार्रवाई गी अगड़ा पाई दित्ता ऐ।
- क्रिकेट च मर्दे दी आईसीसी चैंपियन्स ट्राफी प्रतियोगिता दे ग्रुप-ए दे इक अहम मुकाबले च अज्ज दुबई च भारत दा सामना रिवायती हरीफ पाकिस्तान कन्नै होग।
- महिला प्रीमियर क्रिकेट लीग च जंदे रोज यूपी वारियर्स नै दिल्ली कैपिटल्स गी 33एं रन्जें कन्नै हराई दित्ता।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम "मन की बात" अज्ज देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 119मीं किशत होग। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग।

आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। मन की बात दा डोगरी अनुवाद अज्ज रातीं 8 बजे इक बारी परतियै प्रसारत कीता जाग।

<><><><><><>

PM

प्रधानमंत्री नरेन्द्र मोदी होर अज्जै थमां मध्यप्रदेश, बिहार ते असम दे त्रऊं दिनें दे दौरे पर होंगन। मध्यप्रदेश दे उदयपुर जिले च प्रधानमंत्री होर बागेश्वर धाम मैडिकल साईंस रिसर्च इंस्टीच्यूट दा नींह पत्थर रखगंन। इस अस्पताल च कैंसर दे रोगिएं दा मुफ्त इलाज होग ते आधुनिक मशीने ते माहिरें डाक्टरें दी सुविधा होग। भोपाल च प्रधानमंत्री होर 2 दिन दे ग्लोबल इनवेस्टर्स सुमित 2025 दा उद्घाटन बी करगंन। कल प्रधानमंत्री होर भागलपुर बिहार दा दौरा करगंन। इत्थें ओह पीएम किसान स्कीम दी 19मीं किश्त जारी करगंन ते बिहार च केई विकास परियोजनाएं दे उद्घाटन बी करगंन। देश भरै दे 9 करोड़ 70 लख थमां बद्ध करसान, 21 ज्हार 5 सौ करोड़ रपे दी माली सहायता सिद्धे बैंक खातें च हासल करगंन। मंगलवारें प्रधानमंत्री होर गुवहाटी असम च एडवेंटेज असम 2.0 निवेश ते मूलढांचा सम्मेलन 2025 दा उद्घाटन करगंन। प्रधानमंत्री होर गुवहाटी च झूमोयिर बिनंदिनी 2025 समारोह च शिरकत करगंन। एह समारोह असम दे चाह उद्योग दे 200 ब'रे पूरे होने पर कराया जा'रदा ऐ।

<><><><><><>

VP

उपराश्ट्रपति जगदीप धनखड़ होर अज्ज जयपुर राजस्थान दे इक्कै दिने दे दौरे पर जा'रदे न। उपराश्ट्रपति होर जयपुर राश्ट्रीय विश्वविद्यालय दे 14में दीक्षांत समारोह च मुख् परौहने दे तौर पर अध्यक्षता करगंन।

<><><><><><>

MoS National Startup

केन्द्री मंत्री डॉ. जितेन्द्र सिंह होरें जम्मू कश्मीर दे नोजवानें दा आह्वान करदे होई आखेआ ऐ जे ओह सरकारी नौकरी आली मानसिकता गी पिच्छे छोड़ियै अग्गे बधने दा जतन करन।

उनें आखेआ जे युवाएं गी उद्यमिता ते स्टार्टअप्स दी समर्थता पर जकीन करना चाहिदा की जे इंदे राएं आर्थिक विकास गी इक नमीं गति थ्हांदी ऐ। जम्मू दे राजकीय महिला कालेज गांधी नगर च राष्ट्रीय स्टार्टअप महोत्सव दे उद्घाटन समारोह च बोलदे होई डॉ. जितेन्द्र सिंह होरें कृषि आधारित स्टार्टअप्स विशेष तौरा पर लैवेंडर दी काश्त गी बढ़ावा देने सरबंधी पर्पल रेव्यूशन दी सफलता पर लोह पाई। उनें आखेआ जे एह्दे राएं त्रै जहार शा मते नोजवानें लक्खां रपे कमाए न। इस मौके पर मंत्री होरें महोत्सव च लाए गेदे 45 स्टार्टअप स्टालें दा दौरा कीता ते युवा उद्यमिएं कन्नै गल्लबात कीती।

<><><><><><>

Delhi Assembly

दिल्ली दी 8मीं विधानसभा दा पैहला सत्र कल थमां शुरू होआ'रदा ऐ। दिल्ली विधानसभा सचिवालय पास्सेआ जारी इक सूचना मूजब सत्र दे पैहले रोज नमें चुने गेदे विधायकें गी सगंध चुकाई जाग। एह्दे कन्नै कन्नै विधानसभा दे नमें स्पीकर दा चुनाव बी पैहले रोज गै करोआया जाग।

<><><><><><>

Telangana Rescue

तेलंगाना दे नागर कुर्नूल जिले च दोमाला पेंटा दे नेडे इक सुरंग दी छत ढहेई पौने करी उत्थे फसी गेदे 8 लोकें गी सुरक्षित बचाई कड्डने दिआं कोशशां बरोबर जारी न। एह हादसा श्री सैलाम लेफ्ट बैंक कैनाल सुरंग च होआ ऐ। आपदा प्रबंधन थमां बचाS टीमां इ'नें लोकें गी सुरक्षित बाहर कड्डने लेई लगातार कम्मै पर डटी दिआं न। राज्य दे सिंचाई मंत्री ते पर्यटन मंत्री होरें अंदाजा जताया ऐ जे फसे दे लोकें गी अज्ज सुरक्षित बाहर कड्डी लैता जाहग। प्रधानमंत्री नरेन्द्र मोदी होरें इस घटना दे सरबंधै च मुख्मन्त्री रेवंत रेड्डी हुंदे कन्नै टेलीफोन पर गल्ल करियै उनें'गी पूरी मदाद देने दा भरोसा दोआया ऐ।

<><><><><><>

Israel Palestinian Prisoners

इस्राइल नै आखेआ ऐ जे ओह फलस्तीन दे 620 बंधकें गी उसलै रिहा करोग जिसलै फलस्तीनी आतंकवादी गुट हमास, बंधकें दी सम्मानजनक ढंग्गै'नै अगली रिहाई दी तसदीक

आखी। डॉक्टर सिंह होरें इब्बी आखेआ जे राश्ट्री जनतांत्रिक गठबंधन—एन.डी.ए. सरकारै देशै च डेढ़ लख आरोग्य केन्द्र खोले न। उ'नें दस्सेआ जे आयुष्मान भारत दुनिया दी सभनें शा बड्डी सेहत बीमा योजना ऐ।

<><><><><><>

India Pak Match

मर्दे दी आईसीसी चैंपियंस ट्राफी क्रिकेट टूर्नामेंट च भारत दा मुकाबला अज्ज दपैहरी दुबई अंतर्राष्ट्री स्टेडियम च रिवायती हरीफ पाकिस्तान कन्ने होग। एह मैच भारती समें मताबक दपैहरी ढाई बजे थमां खेड्ढेआ जाहग। रोहित शर्मा दी अगुवाई च भारती टीम नै जंदे बुधवारें बंगलादेश दे खलाफ 6एं विकटें दी जित्त कन्ने चैंपियंस ट्राफी च अपना अभियान शुरु कीता हा। दुई बक्खी पाकिस्तान गी ओहदे पैहले गै मैच च कराची च न्यूजीलैंड दे हत्थें 60 रन्जें दी शिकस्त झल्लनी पेई ही। जेकर अज्जै दे मैच च भारत जित्ती जंदा ऐ तां इक चाल्ली कन्ने सेमीफाइनल लेई ओह अपनी थाहर पक्की करी सकदा ऐ ते जेकर पाकिस्तान नै इस प्रतियोगिता च बने दा रौहना ऐ तां उसी अज्जै दा मैच हर हाल च जित्तना गै होग। तोआई कल्लै दे मुकाबले च अस्ट्रेलिया नै इक त्रिक्खे मुकाबले च इंग्लैंड गी हराई दित्ता।

<><><><><><>

WPL

एम.चिन्नास्वामी स्टेडियम बेंगलुरु च कल रातीं खेड्ढे गेदे महिला प्रीमियर लीग क्रिकेट दे इक मकाबले च यूपी वारियर्स नै दिल्ली कैपिटल्स गी 33एं रंजें कन्ने हराइयै मैच जित्ती लैता। दिल्ली कैपिटल्स नै टॉस जित्तिचै यूपी वारियर्स गी पैहले बल्लेबाजी लेई साददा दित्ता। अपनी पारी च यूपी वारियर्स दी टीम नै 20एं ओवरें च 9 विकटें दे नुकसान उप्पर 177 रंज बनाए। दिल्ली कैपिटल्स दी टीम नै लक्ष्य दा पिच्छा करदे होई 19.3 ओवरें च छड़े 144 रंज गै बनाई सकी। यूपी वारियर्स दी ऑलराउंडर खडारण चिबेल हैनरी गी उंदी 23 गेदें च 62 रंजें दी शानदार पारी लेई प्लेयर ऑफ द मैच दे खिताब आस्तै चुनेआ गेआ।

<><><><><><>

IMD Weather

अज्ज झारखंड, छत्तीसगढ़, पच्छिम बंगाल च हिमालय कन्नै लगदे इलाकें, सिक्किम ते बिहार च बक्ख-बक्ख थाहरें पर तेज हवा चलने, ऐन-गड़ा पौने ते बिजली मिलकने दे कन्नै तूफान औने दी बी शौका ऐ। देशै दे उत्तर-पूर्वी हिस्सें च बी दिन भर ऐसा गै मौसम बने दे रौहने दा अंदाजा ऐ। सिक्किम दे बक्ख-बक्ख हिस्सें च अज्ज घना कोहरा छाये दा रौहग। अगले 2 दिनें तगर देशै दे उत्तर-पच्छमी हिस्सें च घट्टोघट्ट तापमान च 1 शा 2 डिग्री सेल्सियस तकरी दी कमी आई सकदी ऐ।

<><><><><><>